

Ո Ր Ո Շ ՈՒ Մ

Ճանապարհային ոստիկանության վարչական տույժ նշանակելու մասին 29.11.2019թ. թիվ 1910498029 որոշումն անփոփոխ, իսկ վարչական բողոքն առանց բավարարման թողնելու մասին

<<17>> 12 2019թ. 17-13- 10602

ք.Երևան

Ճանապարհային ոստիկանության պետ, ոստիկանության գնդապետ Ե.Կարապետյանս, վերանայելով Արման Մանուկյանի ՄԴ/3884-19 դիմումի քննարկման արդյունքում ստեղծված նյութերը՝

Պ Ա Ր Զ Ե Ց Ի

Երևան քաղաքի Էրեբունի վարչական շրջանի Ջրաշեն 1-ին փողոցի 74/1-րդ տան բնակիչ Արման Մանուկյանը (էլ. Հասցե ando_05@mail.ru) դիմումով իր անհամաձայնությունն է հայտնել վարչական տույժ նշանակելու մասին 29.11.2019թ. թիվ 1910498029 որոշմանը՝ նշելով, որ կանգառ կատարել է ազատ կայանատեղ չլինելու պատճառով, 2 թուփե ժամանակով՝ ծանր արկղեր բեռնաթափելու նպատակով, միացրել է վթարային լուսային ազդանշանը և չի ստեղծել վթարային իրավիճակ:

Դիմումի քննարկման արդյունքում պարզվել է, որ 29.11.2019թ. թիվ 1910498029 որոշումը բեկանելու հիմքեր չկան՝ հետևյալ պատճառաբանությամբ.

ՀՀ կառավարության <<Ճանապարհային երթևեկության կանոնները և տրանսպորտային միջոցների շահագործումն արգելող անսարքությունների ու պայմանների ցանկը հաստատելու մասին>> թիվ 955-Ն որոշման 80-րդ կետի համաձայն՝ տրանսպորտային միջոցը տեղակայել թույլատրվում է երթևեկելի մասի եզրին զուգահեռ մեկ շարքով՝ բացառությամբ այն տեղերի /երթևեկելի մասի տեղային լայնացում/, որտեղ գծանշմամբ թույլատրված են տրանսպորտային միջոցների դասավորման այլ ձևեր:

Վարչական իրավախախտումների վերաբերյալ ՀՀ օրենսգրքի 124-րդ հոդվածի 39-րդ մասի համաձայն՝ սույն հոդվածի 21-րդ և 25-րդ մասերով (միայն կանգառ կատարելու մասով) նախատեսված **վարչական իրավախախտումն ունի նվազ նշանակություն** այն դեպքում, երբ **կանգառը կատարվել է միայն** ուղևորների նստելու կամ իջնելու նպատակով, **չի գերազանցել մեկ թուփե ժամանակահատվածը**, և դրա հետևանքով երթևեկության մյուս մասնակիցների համար խոչընդոտ կամ վթարային իրադրություն առաջացնելու ակնհայտ վտանգ չի ստեղծվել:

Իրավախախտումն ամրագրած տեսանյութը փաստում է, որ դիմումատուին պատկանող տրանսպորտային միջոցը 14.11.2019թ. ժամը 16:32:41 վայրկյանից ժամը 16:34:20 վայրկյանը՝ 99 վայրկյան տևողությամբ տեղակայված է երթևեկելի մասի երկրորդ շարքում:

Այսպիսով, դիմումատուի արարքում առկա են Վարչական իրավախախտումների վերաբերյալ ՀՀ օրենսգրքի 124-րդ հոդվածի 21-րդ մասի հատկանիշները, հետևաբար նրան վարչական պատասխանատվության ենթարկելու մասին որոշումն օրինական է և իրավաչափ:

Ելնելով վերոգրյալից և ղեկավարվելով Վարչական իրավախախտումների վերաբերյալ
ՀՀ օրենսգրքի 293-րդ հոդվածի 1-ին մասի 1-ին կետով՝

Ո Ր Ո Շ Ե Ց Ի

1. Ճանապարհային ոստիկանության վարչական տույժ նշանակելու մասին 29.11.2019թ.
թիվ 1910498029 որոշումը թողնել անփոփոխ, իսկ վարչական բողոքն առանց
բավարարման:
2. Սույն որոշումն ուժի մեջ է մտնում հանձնելու օրվան հաջորդող օրը և կարող է
բողոքարկվել ՀՀ վարչական դատարան՝ օրենքով սահմանված կարգով և
ժամկետներում:
3. Սույն որոշման օրինակն ուղարկել Արման Մանուկյանին (էլ. Հասցե ando_05@mail.ru):



Ե. Կարապետյան